



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __.__.2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj __.__.2021. godine, primilo je k znanju

Informaciju o projektu oslikavanja fotokatalitičkog murala („Unsmoke Sarajevo“ – „Sarajevo bez dima“).

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O PROJEKTU OSLIKAVANJA FOTOKATALITIČKOG MURALA
(„UNSMOKE SARAJEVO“ – „SARAJEVO BEZ DIMA“)

Predlagač: Gradonačelnica
Obradivač: Stručna služba
gradonačelnice Grada Sarajeva

Sarajevo, novembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Realizacijom Projekta oslikavanja fotokatalitičkog murala („Unsmoke Sarajevo“ – „Sarajevo bez dima“), Grad Sarajevo iskazuje svoje jasno opredjeljenje i daje doprinos na promovisanju i poboljšanju kvaliteta vazduha na području Grada Sarajeva, odnosno na za to predviđenoj lokaciji koja, obzirom na gustoću saobraćaja i nedostatak zelenih površina, opravdava svrsishodnost realizacije društveno-odgovornog projekta „Unsmoke Sarajevo“ – „Sarajevo bez dima“.

Na prijedlog Phillip Morris BH d.o.o. Sarajevo, pokrenute su određene aktivnosti na realizaciji projekta „Unsmoke Sarajevo“ – „Sarajevo bez dima“, oslikavanjem fotokatalitičkog murala, odnosno oslikavanjem murala na određenoj lokaciji kod Katedrale, specijalnom bojom koja pročišćava vazduha. Osnovne karakteristike navedene boje su te da se ona aktivira svjetlošću i da zagađivače pretvara u bezopasne nitate.

Cilj ovog projekta, čiji je organizator i pokrovitelj Philip Morris BH, je poboljšanje kvalitete vazduha na područjima gdje ima nedovoljno ili nimalo drveća, a saobraćaj je veoma gust.

Ovakvi fotokatalitički murali danas postoje u mnogim prestižnim gradovima širom svijeta koji su, kao i Sarajevo, opterećeni zagađenjem: London, Rim, Meksiko City, Varšava, i drugim gradovima.

Prethodno navedeno je i razlogom određivanja lokacije kod Katedrale te su u ovaj projekat uključila i Općina Stari Grad Sarajevo, koja je ponudila objekat na kojem će se oslikati mural.

Zgrada koju je predložila Općina Stari Grad, a na čijem dijelu fasade će se oslikati mural, nalazi se u ulici Gajev trg 2, kod Katedrale.

U nastojanjima što skorije realizacije predviđenog u periodu koji predstoji između Grada Sarajeva, Philip Morrisa BH i Općine Stari Grad Sarajevo, potpisat će se Memorandum o saradnji, čiji je tekst u fazi finalizacije i usklađivanja između strana potpisnica.

Pomenutim Memorandumom bit će regulisane aktivnosti, koordinacija, predstavljanje, kao i druga bitna pitanja u cilju konačne realizacije projekta.

Tako će Grad Sarajevo, koji je odgovoran za sve poslove koordinacije između potpisnica i koji je nosilac cjelokupnih aktivnosti, osigurati blagovremen početak, tok i završetak poslova i zadataka na realizaciji ovog projekta.

Općina Stari Grad Sarajevo je osigurala lokaciju za oslikavanje murala te će u sklopu utvrđenih aktivnosti obezbjediti blagovremeno pribavljanje neophodnih saglasnosti, kao i izdavanje odgovarajućih odobrenja, odnosno saglasnosti za oslikavanje murala.

Philip Morris BH će snositi cjelokupne troškove projekta u vrijednosti od 20.000,00 - 30.000, 00 KM (honorar umjetnika, troškove špedicije i boje, troškove pripreme i oslikavanja zida, troškove PR novinarskog događaja kojim će se predstaviti realizovani projekat, kao i druge troškove koji nastanu u toku i nakon realizacije projekta).

Važno je spomenuti i to da će mural na zgradi u ulici Gajev trg 2 oslikati umjetnik po odabiru Philip Morris-a BH te da će dizajn biti umjetnički i neće reklamirati bilo koje proizvode, niti će u bilo kom smislu imati komercijalni karakter.

Aktivnosti ove i slične vrste su vrlo važne i predstavljaju značajan doprinos u stvaranju kvalitetnije životne sredine, a naročito u situaciji kada se Grad Sarajevo iz godine u godinu susreće sa visokim stepenom zagađenja vazduha. To treba biti i razlogom za ulaganjem većih napora i težnji u iznalaženju kvalitetnih rješenja kako bi se ovaj problem bar jednim dijelom umanjio, a što se i čini pristupanjem i radu na projektima ove vrste.